

馬氏錦囊秘錄雜症大小合參卷七

姪

海鹽馬北張楚瞻甫纂輯

門人孫樹遵惟良全較

男 乾元龍刊

方脉心脾病合參

真心痛者手足青至節旦發夕死夕發旦死寒邪傷其君主也蓋心爲君主義不受邪受邪則本經自病必死不治今之治例皆言胞絡受邪在府不在藏在絡不在經而非真心痛也以其在心之部位而名或心之脉絡或手心主

之脉絡或胃脘或胸膈或食傷或寒傷或氣逆或痰飲或死血或蟲或鬱火皆致痛也蓋胃屬濕土列處中焦爲水穀之海五藏六府十二經脉皆受氣於此壯者邪不能干弱者着而爲病其中和之氣變至偏寒偏熱因之水停食積皆與真氣相搏而痛惟肝木之相乘者爲尤甚腎氣上逆者少之胃病者腹臙脹胃脘當心而痛上支兩脇呷膈不通蓋胃脘逼近於心移其邪而易得攻害也脉經曰有憂愁思慮傷心而痛者其人勞倦卽頭面赤而下重心中痛徹背其脉弦此心藏傷所致也蓋心主血而

統性情因於怵惕思慮傷神涸血於是清湯不升濁陰不降以致食飲風冷熱怵蟲疰之九種乘虛侵凌也
蟲痛者發作懊懣腫聚往來上下行痛痛有休作心腹中熱善渴出面色乍青乍白乍赤嘔吐清水者蠅也
大虛心痛者宜補之如大實心痛者當食受惱卒然發痛大便或秘久而心胸高起按之至痛不能飲食宜利之
寒厥心痛者手足逆而遍身冷汗傷濕清血大便秘利不渴氣微力弱急以木附湯溫之寒厥暴痛非久病也朝發暮死急當救之是知久病無寒暴病非熱也

夫心痛有九種曰飲曰食曰風曰冷曰熱曰悸曰蟲曰疰
曰去來痛者除風熱冷屬外所因餘皆不內外因更婦人
惡血入心脾經發作疼痛尤甚於諸痛更有卒中客忤鬼
擊尸疰使人心痛亦屬不內外因以意推度施治
心膈之痛須分新久若明知身受寒氣口食寒物而病於
初得之時當用溫散或溫利之其病得之稍久則成鬱矣
鬱則蒸熱生火若再欲溫散溫利寧無助火添病耶故古
方多以山梔爲君加熱藥爲嚮導而開鬱行氣則邪易去
病易退然向安之後若縱恣口味病必復作

大槩皆以諸痛屬實。痛無補法。痛隨利減。爲不易之法。不知形實病實。便閉不通者。乃爲相宜。若形虛脈弱。食少便泄者。豈容混治。須知痛而脹閉者。多實。不脹不閉者。多虛。拒按者。爲實。可按者。爲虛。痛不移者。爲血痛。無定者。爲氣。喜寒者。多實。愛熱者。多虛。飽則甚者。多實。饑則甚者。多虛。脈實氣粗者。多實。脈虛氣少者。多虛。新病年壯者。多實。久病年衰者。多虛。補而不效者。多實。攻而愈劇者。多虛。痛在經者。脈多弦大。痛在藏者。脈多沉微。表虛而痛者。陽不足也。非溫經不可。裏虛而痛者。陰不足也。非養榮不可。上虛

而脾傷也。非補中不可。下虛而脾腎敗也。非溫補命門不可。若泥痛無補法爲害不淺。

食積與痰飲作痛者。胃氣亦藉所養。故卒不便。虛日數。雖多不食。無損。若痛止。便喫物。痛必復作。須三五服藥後。以漸將息可也。痛甚者。麻必伏。用溫藥。附子之類。不可用。參朮。蓋諸痛不可補氣。胃中有熱而作痛者。非山梔。土。不可須佐以薑汁。多用台芎。開之。有因平日喜食熱物。以致死血留於胃口作痛者。必日輕夜重。甚則用桃仁。承氣湯下之。輕則用韭汁。澹其血。桔梗。開提其氣。蠱蟲。老。

面上白筋唇紅時吐清水痛定便能食時作時止有塊往來上下行者是也。治以苦練根錫灰之類。然上半月蟲頭向上易治。下半月蟲頭向下難治。凡服藥先以肉汁及糖蜜食下。引蟲頭向上。然後用藥打出。脉堅實不大便者下之。心痛用山梔子并劫藥止之。若又復發可用玄明粉一服立止。左手脉數熱多。脉濇者有死血。右手脉緊實痰積弦大。必是久病。有脾痛大小便不通者。此是痰隔中焦氣聚下焦。心痛者脉必伏。以心主脉不勝其痛故伏也。不可因其脉伏神亂疑爲心虛而用地黃白朮。

補之蓋邪得溫則散泥則不散溫散之後可用陰陽平補
中宮氣不清則痛有挾痰與火或日久成積古方用陳
皮香附甘草爲君因所挾而兼用痰加海粉火梔子積
加醋蓬朮死血加乾漆胃中若有清痰留飲腹中漉漉
有聲及手足寒痛或腰膝脊脇抽痛惡心煩悶時吐黃水
甚則搖之作水聲用小胃丹或控涎丹徹去病根而止
丹溪曰草豆蔻一味性溫能散滯氣利膈上痰若果因寒
而痛者用之如鼓應桴若濕鬱結痰成痛服之多效若因
熱鬱而痛者理固不可但以涼藥兼之如炒芩連梔子之

其效猶捷東垣草豆蔻丸治寒厥心痛大獲奇效若人
熱鬱熱已甚者諸香燥藥斷不可用也

木附湯 治寒厥暴痛脉微氣弱

甘草 炙一兩 白朮 五錢 附子 一兩 每用五錢薑棗水煎服

一方 治心痛用荔枝核燒存性爲末醋湯下二錢

丹溪方 痰飲停積胃脘作痛

螺螄殼 牆上年久者煨 滑石 蒼朮 山梔 香附

南星 各二兩 枳殼 青皮 木香 半夏 砂仁 各一兩

右末生薑汁浸麵糊爲丸藁豆大每三四十九薑湯下

春加川芎夏加黃連冬加吳茱萸

又方 治痰厥心痛用半夏油炒為末每服二錢薑湯下

丹溪方 治死血胃脘痛者

玄胡索

一兩五錢

桂

滑石

紅花

紅薤

各五錢

桃仁

三十箇

為末湯浸麵糊為丸

又方 神治心痛

香附子

高良薑

各等分為末白湯調服二錢

丹溪方

治火痛

黃連

山梔

各三錢

陳皮

茯苓

各一錢五分

半夏

一錢

草豆蔻

七甘草

薑水煎食前服

失笑散

有心痛百藥不效用此而愈

五靈脂

蒲黃

等分爲細末醋調二錢熬成膏入水

一盞食前溫服有瘀血作痛加玄胡沒藥

乾漆丸

治九種心痛腹脇積聚滯氣

乾漆二兩搗碎炒去烟細研醋煮麵糊丸如桐子大每

服十五丸熱酒下醋湯亦好日進二服

蠶沙散

治男婦心氣痛不可忍

晚蠶沙不拘多少滾水泡過濾淨白湯調服立止

梅硫丸

酸熱以收散寒如服辛劑反甚改服酸劑立愈

冰梅

去核一箇

生硫黃

爲末搗勻可丸爲度作一九白

湯下立愈病不再作

濟世方

治心痛用菰蔞草搗汁醋汁相和服立效昔有

人服此吐蟲二條終身不發

綠礬止痛方

用綠礬七八分好酒化下再不發

衍義方

治心痛用銅青一味淡醋湯些小服之

手拈散

治心痛最妙拈曰草葉玄胡索靈脂并沒藥同

調一二三錢一似手拈却

化毒丸

鶴虱

檳榔

胡粉

炒

苦練根

去厚皮各五十兩

日礬

飛十兩

為末、麪糊丸、桐子大、凡小兒蟲痛、一歲五丸、溫水入香、油一二點打勻下之、米飲亦得其蟲自下。

燒脾散

治飲啖生冷果菜、停留中焦、心脾冷痛。

乾薑

炮

厚朴

薑炒

草果仁

縮砂仁

甘草

炙

祚麪

炒

麥蘖

陳皮

高良薑

炙各等分

為末、每服三錢、熱鹽湯點服。

一方

用胡椒四十九粒、乳香一錢、為末、男用薑湯下、女

方、心脾病證方

用當歸湯下

錦囊心痛神方

用燒鐵浮起白沫

如枯礬
樣者

研極細白湯

調服二分不愈再一服永不再發

扶陽助胃湯

治寒客腸胃胃脘當心而痛得熱則已

乾薑

炮一錢
五分

揀參

草豆蔻

甘草

炙
官桂

白芍

陳皮

白朮

各一錢

附子

炮

吳茱萸

益智

各五分

薑棗水煎溫服

一方

用枯礬為末蜜丸欠實大每服一九空心細嚼淡

薑湯下若有蟲者苦參煎湯下蓋白礬有去熱涎之功

愈痛散 治急心疼胃疼

五靈脂

去沙石

玄胡索

炒去皮

蓬莪朮

煨

當歸

良薑

炒各等分

為末每服三錢熱醋湯調服

檳榔散

治男婦心脾痛

五靈脂

檳榔

各等分

為末每服三錢隔夜先將猪肉

鹽醬煮熟令患人細嚼吐出以引蟲頭向上然後煎薑蒲湯調藥服之以殺蟲也

方脉胸脇病合參

經曰南風生於夏病在心俞在胸脇此以胸屬心也肝虛

則胸痛引背脇肝實則胸痛不得轉側此又以胸屬肝也
夫胸中實肺家之分野其言心者以心之脉從心系却上
肺也其言肝者以肝之脉貫膈上注肺也然胸痛卽脇痛
其與心痛別者心痛在岐骨陷處胸痛則橫滿於胸中兩
脇間也其與胃脘痛別者胃脘痛在心之下胸痛在心之
上也

素問曰胸痛少氣者水氣在藏府也水者陰氣也陰氣在
中故胸痛少氣也是以胸中陽氣如離照當空曠然無外
設地氣一上則窒塞有加故濁氣在上則生膈脹胸痺者

陰氣上逆之候也。仲景微則用薤白白酒以益其陽。甚則用附子乾薑以消其陰。世醫不知胸痺爲何病。習用豆蔻木香三稜神麴等藥。坐耗其胸中之陽。益增其困矣。有飲食失節。勞役過度。以致脾土虛乏。肝木得以乘其土位。而爲胃脘當心而痛。土攻兩脇。膈噎不通。其脉沉弦者。宜歸脾湯加白芍。以薑棗爲引。煎服。戴氏曰。房勞腎虛之人。胸膈多有隱痛。此腎虛不能納氣。氣虛不能生血之故。氣與血猶水也。盛則流暢。虛則鮮有。不滯者。所以作痛。宜破故紙之類補腎。芎歸之類補血。若